

UNIVERZITET U TUZLI

Broj: 01-177-JN-11/18

Tuzla, 22.01.2019. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-177-JN-10/18 od 22.01.2019. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

ODLUKU O DODJELI OKVIRNOG SPORAZUMA

I

U okončanom otvorenom postupku javne nabavke toplih i hladnih napitaka za potrebe restorana Studentskog centra sa sukcesivnom isporukom do 31.12.2019. godine, izabran je ponuđač „Redex“ d.o.o. Banovići sa ponudenom cijenom u ukupnom iznosu od 16.340,04 KM bez uračunatog PDV-a, te se istom dodjeljuje okvirni sporazum.

II

Ponuda ponuđača iz tačke I ove Odluke ocijenjena je kao najpovoljnija iz razloga što ispunjava sve uslove postavljene u Tenderskoj dokumentaciji i što je nakon okončane „E-aukcije“ imala najnižu cijenu.

Obrazloženje

Univerzitet u Tuzli pokrenuo je postupak javne nabavke toplih i hladnih napitaka za potrebe restorana Studentskog centra sa sukcesivnom isporukom do 31.12.2019. godine s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-177-JN-1/18 od 13.12.2018. godine. Obavještenje o nabavci objavljeno je na portalu javnih nabavki “E-nabavke” broj: 795-1-1-139-3-147/18 od 25.12.2018. godine, sažetka obavještenja objavljenim u „Službenom glasniku BiH“ broj: 93/18 od 27.12.2018. godine te web stranici Univerziteta.

U ostavljenom roku ponude je dostavilo pet ponuđača „Lala i laćo“ d.o.o. Bijeljina, „Defter“ d.o.o. Sarajevo, „AS“ d.o.o. Jelah – Tešanj, „Bosna kom“ d.o.o. Gračanica i „Redex“ d.o.o. Banovići. Komisija za provođenje postupka javne nabavke je pregledala dostavljene ponude i utvrdila slijedeće: Ponuđač „AS“ d.o.o. Jelah – Tešanj nije dostavio sve dokaze na način kako je zahtijevano tenderskom dokumentacijom. Naime, navedeni ponuđač nije dostavio podatke za Ime i sjedište ponuđača zahtijevane tačkom 4.1.b). Takođe, nije popunio nacrt okvirnog sporazuma sa svim podacima kako je to traženo. Naime, na stranicama 37.do 43. svoje ponude dostavio je nacrt okvirnog sporazuma te je na istom popunio samo prvu stranicu (stana 37 ponude) i potpisao isti (strana 43. ponude). U nacrtu okvirnog sporazuma nije popunio podatak o roku isporuke, broju transakcijskog računa i roku plaćanja. Komisija za provođenja postupka je u ponudi ovog ponuđača pronašla podatak o roku isporuke roba na Izjavi koja je dostavljena na strani 33 ponude. Međutim, podatke o broju transakcijskog računa i roku plaćanja koji nisu popunjeni nisu navedeni ni u jednom drugom dijelu ponude. Naime, od ponuđača je tenderskom dokumentacijom zahtijevano da dostave dokumente i dokaze kojima dokazuju svoju kvalifikovanost za dobro obavljanje posla, a navedeni ponuđač je propustio da dostavi sve što je zahtijevano. Zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponude sa nedostatkom to je ponuda ovog ponuđača odbijena i ponuđač ocijenjen nekvalifikovanim.

Ostali ponuđači dostavili su sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla, a njihove ponude ocijenjene su prihvatljivim. Prihvatljive ponude kvalifikovanih ponuđača su u skladu sa uslovima postavljenim tenderskom dokumentacijom i obavještenjem, te u skladu sa Pravilnikom o uslovima i načinu korištenja e-aukcije (“Službene novine BiH” broj: 66/17) unesene u bazu “E-nabavke” radi provođenja e-aukcije.

Nakon uspješno okončane e-aukcije i u skladu sa Izvještajem o toku i završetku e-aukcije od 18.01.2019. godine sačinjena je slijedeća rang lista ponuda po povoljnosti:

1. "Redex" d.o.o. Banovići
2. "Bosna kom" d.o.o. Gračanica
3. "Defter" d.o.o. Sarajevo
4. "Lala i lačo" d.o.o. Bijeljina

Budući da ponuda ponuđača "Redex" d.o.o. Banovići u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije ima najnižu ponuđenu cijenu, Komisija je predložila da se istom dodijeli okvirni sporazum.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1. 75 000 Tuzla.

Prilog: Zapisnik o pregledu i ocijeni ponuda broj:

01-177-JN-10/18 od 22.01.2019. godine

Izvještaj o toku i završetku e-aukcije od 18.01.2019. godine

DOSTAVITI:

1x učesnicima

1x a/a

